



Асыл сөзді іздесең, Абайды оқы ерінбе

Биыл Абай Құнанбайұлының дүниеге келгеніне - 175 жыл.

Ақынның мерейтойына орай, М.Әуезов атындағы ОҚМУ «Тоқыма және тамақ инженериясы» ЖМ «Қайта өңдеу өндірістерінің технологиясы» мамандығында оқитын ЖТ-18-3Кз тобының студенттері ашық тәрбие сағатын өткізді. Атажымыш іс-шараға ЖТ-19-3к1 және ЖТ-19-3р тобының студенттері де қатысты. Ән көңілдің ажары демекші, тәрбие сағаты Абайдың «Көзімнің қарасы» әнімен басталып, ары қарай ақынның шығармашылығымен танысты. Студенттер жастар арасында кішігірім әлеуметтік эксперимент жүргізіп, дайындаған видеоролигін көрсетті. Әлеуметтік экспе-

рименттің негізгі мақсаты – жастардың ұлы ақынымызды қаншалықты жақсы танитынына көз жеткізу болған еді. Бір қуантарлығы, жастарымыздың басым көпшілігі Абайға қатысты қойылған сұрақтарға мүдірмей жауап берді. Содан кейін жастар өздері білетін ақынның өлең жолдары мен қара сөздерін көрермен назарына ұсынды.

Ұлы ақынның әр айтқан сөзі - есті адам үшін өсиет-өнегенің таптырмас үлгісі. «Асыл сөзді іздесең, Абайды оқы ерінбе» демекші, өмірге азық боларлық асыл ойлардың Абай жырларында тұнып тұрғаны баршаға мәлім.

М.ҚАСЫМОВА,
М.Әуезов атындағы ОҚМУ
«Тоқыма және тамақ инженериясы»
ЖК топ тәлімгері